

Kitok ê Chengpeng

2 Sói, góa ê kiáⁿ ah, lí tiòh óakhò Kitok Iésu ê intián kiankiông khí-lái. ² Lí tī chin chē kiànchêng jîn bīnchêng tùi góa só thiaⁿ tiòh ê tāichì, lí mā tiòh kauthok hō hiahê tiongsìn, koh ū lênglèk thang kàu-tō pátlâng ê lâng.

³ Lí tiòh chiáⁿ-chò Kitok Iésu ê chengpeng, lái kah góa chòhóe jímsiū khó-lân. ⁴ Kiàn-nā chòpeng ê lâng, nā beh hō koaⁿ-tiúⁿ hoaⁿ-hí, tòh m̄ thang hō sengoah tiông ê sūbū tīⁿ-kha pò-aⁿ-chhiú. ⁵ Kángkhoán ê sī, chhamka písài ê ūntōnggoân nā bô chunsiú písài kuichek, tòh bē tàng tit tiòh koanbián. ⁶ Kutlát ê chohsitlâng, èngtong tāseng tit tiòh i ê hūngiáh ê siusêng. ⁷ Góa só kóng ê òe, lí tiòh siôngsè sukhó, inūi Chú ē hō lí bēngpék ták hāng tāichì.

⁸ Lí tiòh ē kítit góa só thoán ê hokim: Iésu Kitok sī Tabít ê kiáⁿ-sun, SiōngChú hō I tùi sílâng tiông kohoáh. ⁹ Góa ūi tiòh chitê hokim lái siū khó-lân, sīmchì chhinchhiūⁿ hoānlâng hō thihliān khúnpák. Chóng sī, SiōngChú ê tōlí bô siū khúnpák. ¹⁰ Sói, góa ūi tiòh SiōngChú ê soánbīn jímsiū itchhè, hō in mā ē tàng tit tiòh tī Kitok Iésu nih ê chíngkiù, kah éngoán ê êngkng. ¹¹ Ēbīn chiahe òe sī táttit lán siôngsìn ê:

Lán nā kah I tângsí,

mā ē kah I tângoáh;

12 lán nā kianjím kàu-té,

mā ē kah I chòhóe chiángkoân;

lán nā m̄ sêngjīn I,

I mā ē m̄ sêngjīn lán;

13 lán nā bô tiongsit,

I iūgoân sī tiongsit ê,

inūi I bē hóⁿ-jīn kakī

基督 ê 精兵

2 所以，我 ê kiáⁿ ah，你 tiòh óa 靠基督耶穌 ê 恩典堅強起來。 ² 你 tī 真 chē 見證人面前 tùi 我所聽 tiòh ê tāichì，你 mā tiòh 交託 hō hiahê 忠信，koh 有能力 thang 教導別人 ê 人。

³ 你 tiòh 成做基督耶穌 ê 精兵，來 kah 我做伙忍受苦難。 ⁴ 見若做兵 ê 人，若 beh hō 官長歡喜，tòh m̄ thang hō 生活中 ê 事務纏腳絆手。 ⁵ 全款 ê 是，參加比賽 ê 運動員若無遵守比賽規則，tòh bē tàng 得 tiòh 冠冕。 ⁶ 骨力 ê 作穡人，應當 tī 先得 tiòh 伊 ê 份額 ê 收成。 ⁷ 我所講 ê 話，你 tiòh 詳細思考，因為主 ē hō 你明白 ták 項 tāichì。

⁸ 你 tiòh ē 記得我所傳 ê 福音：耶穌基督是大衛 ê kiáⁿ 孫，上主 hō 祂 tùi 死人中 koh 活。 ⁹ 我為 tiòh chitê 福音來受苦難，甚至親像犯人 hō 鐵鏈網縛。總是，上主 ê 道理無受網縛。 ¹⁰ 所以，我為 tiòh 上主 ê 選民忍受一切，hō in mā ē tàng 得 tiòh tī 基督耶穌裡 ê 拯救，kah 永遠 ê 榮光。 ¹¹ 下面 chiahe 話是值得咱相信 ê：

咱若 kah 祂同死，

mā ē kah 祂同活；

12 咱若堅忍到底，

mā ē kah 祂做伙掌權；

咱若 m̄ 承認祂，

祂 mā ē m̄ 承認咱；

13 咱若無忠實，

祂猶原是忠實 ê，

因為祂 bē 否認 kakī。

Chú só Kahì ê Kanglâng

14 Lí tiòh thêchhéⁿ tãike chiahê tãichì, koh tiòh tī Chú ê bīnchêng hoanhù in m̄ thang ũ tiòh giânsû chengpiân, inūi he sī ·bô līek ê, kantaⁿ ē hō thiaⁿ ê lâng tōtek pāihoāi. 15 Lí tiòh chīnlék, thang tit tiòh SiōngChú ê jīnkhoá, chò chítê bô suiàu kámkak kiànsiàu ê kanglâng, koh chêngkhak kángkái chinlí ê sīnsit. 16 Tiòh siámpī bô kèngkhiân ê khongtâm, inūi chiahê khongtâm ē hō lêng lī SiōngChú ná hng. 17 In ê òe ē chhinchhiūⁿ tókchng thòⁿkhui; Huménái kah Huilétòh tòh sī chit khoán lêng, 18 in íkeng phianlī chinlí, kóng kohoáh ê tãichì íkeng kòekhì, tìsú húihoāi chítkóa lêng ê sìngióng. 19 Chóng sī, SiōngChú ê kinki kiankòr bē iôtāng, téngbīn ũ ánnē ê ìnkì, "Chú bat siók tī l ê lêng", íkíp, "Kiànnā kiúkiò Chú ê miá ê lêng lóng tiòh līkhui putgī".

20 Tī chít keng tōa keng chhù lāibīn, m̄ nā ũ kim kah gín ê khìkū, mā ũ chhâ kah liámthò chò ê khìkū; ũ ê sī kùitiōng ê, ũ ê sī chhósiók ê. 21 Sói, lêng nā chhengkhì kakī, līkhui hiahê putgī ê tãichì, tòh ē chiâⁿchò kùitiōng ê khìkū, chiâⁿchò sèngkiat, thang hō chúlàng súiōng, koh chúnpī piānpīan thang chò tak hāng hó sū.

Pībián kah Tùichhiú Chhiongút

22 Tiòh siámpī siàuliân lêng ê chêngiok, koh tiòh kah hiahê ēng chhengkhì ê simlêng kiúkiò Chú ê lêng chòhóe tuikiú konggī, sīnsim, thiàⁿsim kah hôpêng. 23 Mā m̄ thang chò gúgōng bûti ê piānlūn, inūi lí chai in ē ínkhí oanke. 24 Chú ê lôpók m̄ thang oanke, tiòh unjiú tùithāi chènglàng, gâu kàsī, gâu thunlún, 25 koh tiòh iōng unjiú lâi khoànkài hiahê hoántùi chiá, kiámchhái SiōngChú ē hō in hóekái, thang lâi jīnbat chinlí. 26 Ánnē, suijiân in íkeng hō Mòkúi liáh khì, sūnthàn i ê ìsù, kiámchhái mā ē kakchhéⁿ, thoatlī Mòkúi ê lôbāng.

主所 Kah 意 ê 工人

14 你 tiòh 提醒大家 chiahê tãichì, koh tiòh tī 主 ê 面前吩咐 in m̄ thang 為 tiòh 言詞爭辯, 因為 he 是無利益 ê, kantaⁿ ē hō 聽 ê 人道德敗壞。 15 你 tiòh 盡力, thang 得 tiòh 上主 ê 認可, 做一个無需要感覺見笑 ê 工人, koh 正確講解真理 ê 信息。 16 Tiòh 閃避無敬虔 ê 空談, 因為 chiahê 空談 ē hō 人離上主 ná 遠。 17 In ê 話 ē 親像毒瘡炭開; 府米乃 kah 腓理徒 tòh 是 chit 款人, 18 in 已經偏離真理, 講 koh 活 ê tãichì 已經過去, 致使毀壞一 kóa 人 ê 信仰。 19 總是, 上主 ê 根基堅固 bē 搖動, 頂面有 ánnē ê 印記: 「主 bat 屬 tī 祂 ê 人」, 以及 「見若求叫主 ê 名 ê 人 lóng tiòh 離開不義」。

20 Tī 一間大間厝內面, m̄ nā 有金 kah 銀 ê 器具, mā 有柴 kah 黏土做 ê 器具; 有 ê 是貴重 ê, 有 ê 是粗俗 ê。 21 所以, 人若清氣 kakī, 離開 hiahê 不義 ê tãichì, tòh ē 成做貴重 ê 器具, 成做聖潔, thang hō 主人使用, koh 準備便便 thang 做 tak 項好事。

避免 kah 對手衝突

22 Tiòh 閃避少年人 ê 情慾, koh tiòh kah hiahê 用清氣 ê 心靈求叫主 ê 人做伙追求公義、信心、疼心 kah 和平。 23 Mā m̄ thang 做愚戇無知 ê 辯論, 因為你知 in ē 引起冤家。 24 主 ê 奴僕 m̄ thang 冤家, tiòh 溫柔對待眾人, gâu 教示, gâu 吞忍, 25 koh tiòh 用溫柔來勸戒 hiahê 反對者, kiámchhái 上主 ē hō in 悔改, thang 來認 bat 真理。 26 Ánnē, 雖然 in 已經 hō 魔鬼掠去, 順趁伊 ê 意思, kiámchhái mā ē 覺醒, 脫離魔鬼的羅網。